

ოზურგეთის მუნიციპალიტეტის ახალგაზრდობის განვითარების სტრატეგია

2021-2023

1. შესავალი

„ოზურგეთის მუნიციპალიტეტის ახალგაზრდობის განვითარების სტრატეგიის“ (შემდგომში „სტრატეგია“) მიზანია, მხარი დაუჭიროს მუნიციპალიტეტში მცხოვრები 14-29 წლის ახალგაზრდების წინაშე არსებული გამოწვევებისა და სირთულეების დაძლევა და ისეთი გარემოს შექმნას, რომელიც ხელს უწყობს ახალგაზრდობის განვითარებასა და კეთილდღეობას. ის განსაზღვრავს მუნიციპალიტეტის ხედვას, საქმიანობის პრიორიტეტულ მიმართულებებს, სერვისების, პროგრამებისა და ღონისძიებების დაგეგმვასა და მიწოდებას და შედეგებს, რომლებიც მიღწეულ უნდა იქნას მომდევნო 3 წლის განმავლობაში. სტრატეგიის მიზნების წარმატებით განხორციელებისთვის ასევე მნიშვნელოვანია, რომ მასში გათვალისწინებული რესურსები, სერვისები და პროგრამები ფოკუსირებული იყოს ბავშვებზეც სასკოლო ასაკიდან.

„ახალგაზრდობა არის საზოგადოების მნიშვნელოვანი სეგმენტი, რომელსაც ქვეყნის სოციალურ-ეკონომიკურ განვითარებაში წვლილის შეტანის დიდი პოტენციალი აქვს. ამ პოტენციალის სრულად რეალიზებისთვის აუცილებელია, სახელმწიფომ შექმნას სათანადო პირობები, მყისიერად უპასუხოს ახალგაზრდობის წინაშე არსებულ გამოწვევებს, განახორციელოს თანამიმდევრული, საჯარო და ინტეგრირებული სახელმწიფო ახალგაზრდული პოლიტიკა ახალგაზრდობისთვის და ახალგაზრდობთან ერთად. აღნიშნული პოლიტიკა უნდა ეფუძნებოდეს ადამიანის უფლებების, გენდერული თანასწორობისა და გარემოს დაცვის პრინციპებს. მნიშვნელოვანია, ახალგაზრდობი, როგორც საზოგადოების სრულფასოვანი წევრები, აქტიურად ჩაერთონ და მონაწილეობა მიიღონ საზოგადოებრივი ცხოვრების ყველა სფეროში, რათა წვლილი შეიტანონ ქვეყნის განვითარებაში.“¹

ხელისუფლების ადგილობრივ ორგანოებს, როგორც ახალგაზრდობთან ყველაზე დაახლოებულ ინსტიტუტებს, განსაკუთრებული როლი ენიჭებათ ახალგაზრდულ პოლიტიკაში. ის ახალგაზრდობი, რომლებიც ცხოვრობენ მუნიციპალიტეტებში,

¹ 2020-2030 წლებისთვის საქართველოს ახალგაზრდული პოლიტიკის კონცეფცია (ახალგაზრდობისთვის, ახალგაზრდობთან ერთად და ახალგაზრდობის მიერ)

უმეტესწილად ხელისუფლების ადგილობრივ ორგანოებთან ურთიერთქმედებენ. არსებობს ბევრი ისეთი სერვისიც, რომლის კონტროლს ან განხორციელებას ადგილობრივი ხელისუფლების ორგანოები უზრუნველყოფენ. სტრატეგია ემსახურება მუნიციპალიტეტის მერიის მიერ ახალგაზრდული საქმიანობის წარმატებით განხორციელებას და ახალგაზრდული პოლიტიკის ეფექტურად მართვას.

2. ზოგადი ინფორმაცია

ოზურგეთის მუნიციპალიტეტი მდებარეობს დასავლეთ საქართველოს ტერიტორიაზე და მისი ფართობი შეადგენს 643,07 კვ. კმ-ს.

მუნიციპალიტეტში 75 დასახლებული პუნქტია (1 ქალაქი, 4 დაბა და 70 სოფელი) და დაყოფილია 29 ადმინისტრაციულ ერთეულად:

- | | |
|--------------------|---------------------|
| 1. ქალაქი ოზურგეთი | 16. მაკვანეთი |
| 2. დაბა ლაითური | 17. მელექედური |
| 3. დაბა ნარუჯა | 18. მერია |
| 4. დაბა ურეკი | 19. მთისპირი |
| 5. დაბა ნასაკირალი | 20. ნაგომარი |
| 6. ასკანა | 21. ნატანები |
| 7. ბაილეთი | 22. სოფელი ოზურგეთი |
| 8. ბახვი | 23. სილაური |
| 9. ბოხვაური | 24. შემოქმედი |
| 10. გურიანთა | 25. ცხემლისხიდი |
| 11. დვაბზუ | 26. ძიმითი |
| 12. ვაკიჯვარი | 27. ჭანიეთი |
| 13. თხინვალი | 28. ჯუმათი |
| 14. კონჭკათი | 29. შრომა |
| 15. ლიხაური | |

2014 წლის მოსახლეობის საყოველთაო აღწერის შედეგების² მიხედვით ოზურგეთის მუნიციპალიტეტში 15-29 წლის 10 605 ახალგაზრდა ცხოვრობს, მათ შორის:

15-29 წლის ახალგაზრდები სულ	10 605
15-19 წლის ახალგაზრდები	3 288
20-24 წლის ახალგაზრდები	3 329
25-29 წლის ახალგაზრდები	3 988

² საქართველოს სტატისტიკის ეროვნული სამსახური

ახალგაზრდების უმრავლესობა მამრობითი სქესის წარმომადგენელია და ისინი ახალგაზრდების 53.99%-ს შეადგენენ:

ასაკი	მამაკაცი	ქალი
15-29	5 726	4 879
15-19	1 792	1 496
20-24	1 829	1 500
25-29	2 105	1 883

3. პრინციპები

ადგილობრივი ახალგაზრდული პოლიტიკის ეფექტიანად განხორციელებისთვის და სტრატეგიაში გაწერილი მიზნების მიღწევისთვის აუცილებელია შემდეგი პრინციპების გათვალისწინება:

- ახალგაზრდების მონაწილეობა: ახალგაზრდებს აქვთ უფლება, მიიღონ მონაწილეობა იმ გადაწყვეტილებების მიღებაში, რომლებიც მათ ეხება. შეუძლებელია პოზიტიური ცვლილებების მიღწევა მათ გარეშე, ვისაც ეს ცვლილებები ეხება. სტრატეგიის ხედვა, მიზნები, ამოცანები და სამოქმედო გეგმა მუნიციპალიტეტში მცხოვრები ახალგაზრდების ჩართულობით შემუშავდა, რომ უზრუნველყოფილი ყოფილიყო მათი იდეებისა და უკუკავშირის გათვალისწინება დოკუმენტში. ახალგაზრდების ეფექტიანი მონაწილეობა გარანტირებული იქნება სტრატეგიის განხორციელების, მონიტორინგისა და შეფასების პროცესებშიც;
- ახალგაზრდებისადმი კეთილგანწყობა: სტრატეგიის განხორციელებისას მხედველობაში იქნება მიღებული ის ფაქტი, რომ ახალგაზრდები როგორც განვითარების, ისე კულტურის თვალსაზრისით, განსხვავდებიან ერთმანეთისგან და საზოგადოების სხვა ჯგუფებისაგან და მათთან ურთიერთობა უნდა დამყარდეს მათი ასაკის, შესაძლებლობებისა და ინტერესების გათვალისწინებით;
- პარტნიორობა და თანამშრომლობა: სტრატეგია შემუშავდა სხვადასხვა დაინტერესებულ მხარეებთან პარტნიორობისა და კონსულტაციების შედეგად. მათი აქტიური მონაწილეობა მხარდაჭერილი იქნება მისი განხორციელების შემდგომ ეტაპებშიც, ვინაიდან ახალგაზრდობის წინაშე არსებულ ბევრ გამოწვევათა და პრობლემათა დაძლევა შეუძლებელია მხოლოდ ხელისუფლების ადგილობრივი ორგანოების ძალისხმევით. სფეროში მოქმედი ყველა აქტორის ჩართულობა, მათ შორის თანამშრომლობის განვითარება და საქმიანობის კოორდინაციის ხელშეწყობა,

ახალი კავშირების და პარტნიორობების დამყარება სტრატეგიის ერთ-ერთი სახელმძღვანელო პრინციპია;

- მტკიცებულებებზე დაფუძნებული მიდგომა: სტრატეგიასთან დაკავშირებული ყველა გადაწყვეტილების მიღება უნდა ხდებოდეს მტკიცებულებებზე დაფუძნებული მიდგომის გამოყენებით. ადგილობრივი ახალგაზრდული პოლიტიკა ექვემდებარება შემუშავებას, განხორციელებას, შეფასებასა და გადასინჯვას მაღალხარისხიანი კვლევითი სამუშაოების შედეგების საფუძველზე და იმ ახალგაზრდების შეხედულებებისა და გამოცდილების გათვალისწინებით, რომელთაც უშუალოდ ეხებათ ეს პოლიტიკა;
- თანაბარი ხელმისაწვდომობა: სტრატეგია უზრუნველყოფს, რომ ყველა ახალგაზრდა თანაბრად სარგებლობდეს იმ შესაძლებლობებით და სიკეთეებით, რაც უკვე არსებობს ან მომავალში შეიქმნება. განსაკუთრებული ყურადღება უნდა დაეთმოს ახალგაზრდების არაორგანიზებული ჯგუფებისა და სპეციალური საჭიროების მქონე ახალგაზრდების მხარდაჭერასა და მონაწილეობას;
- გრძელვადიან შედეგებზე ორიენტირება: სტრატეგიისა და ადგილობრივი ახალგაზრდული პოლიტიკის ფარგლებში განხორციელებული ქმედებები ხელს უნდა უწყობდეს გრძელვადიანი და მდგრადი შედეგების მიღწევას, რაც გამოიხატება სხვადასხვა სისტემების, პლატფორმების, სინერგიების და სერვისების შექმნაში.

4. სტრატეგიის შემუშავების პროცესი

სტრატეგია მომზადდა ოზურგეთის მუნიციპალიტეტის მერიისა და საქართველოს ახალგაზრდობის სააგენტოს შორის გაფორმებული ურთიერთანამშრომლობის მემორანდუმის საფუძველზე (იხ. დანართი 1) და მათი პარტნიორობის შედეგად, რომელიც შემდეგ გაფართოვდა და მოიცვა ახალგაზრდები, ახალგაზრდული ორგანიზაციები და სხვა დაინტერესებული მხარეები.

სტრატეგიის შექმნის პროცესი მოიცავდა შემდეგ ეტაპებს:

- დაინტერესებული მხარეების იდენტიფიცირება და პარტნიორობის დამყარება;
- სახელმწიფო ახალგაზრდული პოლიტიკის და იმ არსებული სამთავრობო სტრატეგიებისა და პროგრამების ანალიზი, რომლებიც დაკავშირებულია ახალგაზრდობთან;
- ადგილობრივ დონეზე არსებული პროგრამების, რესურსებისა და სერვისების შესწავლა და სიტუაციური ანალიზი;
- ადამიანური რესურსების შესაძლებლობების გაძლიერება;
- ახალგაზრდობის კვლევა ოზურგეთის მუნიციპალიტეტში, რომელიც ჩატარდა ახალგაზრდობის სააგენტოს ინიციატივით და ოზურგეთის მუნიციპალიტეტის მერიის მხარდაჭერით და რომლის ფოკუსს წარმოადგენდა: ახალგაზრდების წინაშე მდგარი პრობლემებისა და გამოწვევების იდენტიფიცირება;

ახალგაზრდების საჭიროებების შესწავლა; და ახალგაზრდებისთვის არსებული შესაძლებლობების გამოვლენა (იხ. დანართი 2³);

- ახალგაზრდობასთან დაკავშირებულ საკითხებზე ჩატარებული სხვადასხვა კვლევების ანალიზი;
- სამუშაო შეხვედრები არასამთავრობო ორგანიზაციებთან, მუნიციპალიტეტის აღმასრულებელ და წარმომადგენლობით ორგანოებთან სტრატეგიის პროექტის მომზადებისა და პრიორიტეტების იდენტიფიცირების მიზნით;
- სტრატეგიის პროექტის საჯარო განხილვები და დისკუსიები დოკუმენტის სრულყოფის მიზნით.

სტრატეგია ეფუძნება „2020-2030 წლებისთვის საქართველოს ახალგაზრდული პოლიტიკის კონცეფციას“ მუნიციპალიტეტში არსებული სპეციფიკისა და საჭიროებების გათვალისწინებით, ახალგაზრდობის სააგენტოსა და ოზურგეთის მუნიციპალიტეტის მერიის მიერ განხორციელებულ კვლევას და უკვე არსებული მეორადი მონაცემების ანალიზს, ახალგაზრდებთან და სხვა დაინტერესებულ მხარეებთან კონსულტაციის შედეგად შეგროვებულ ინფორმაციასა და იდეებს.

სტრატეგიის შემუშავების პროცესში გამოყენებული იყო ე.წ. „ლოგიკური ჩარჩოს მიდგომა“, რაც ითვალისწინებდა არსებული სიტუაციის ანალიზს და გამოწვევებისა და საჭიროებების იდენტიფიცირებას, ხოლო მათ საფუძველზე შესაბამისი მიზნების და ამოცანების განსაზღვრას და პრობლემების გადაჭრის გზების ჩამოყალიბებას.

სტრატეგია მოიცავს ხედვას, თუ როგორი უნდა იყოს ან შესაძლებელია, რომ იყოს ახალგაზრდობის მდგომარეობა მუნიციპალიტეტში; მიზნებს, რომელთაც ხელი უნდა შეუწყონ ხედვის განხორციელებას; თითოეული მიზნისთვის სტრატეგიაში გაწერილია ამოცანები და კონკრეტული ღონისძიებები - თითოეული ამოცანის მისაღწევად, რომლებიც შეადგენენ სამოქმედო გეგმას.

5. ხედვა

სტრატეგიის ხედვა ითვალისწინებს ისეთი ეკოსისტემის ჩამოყალიბების მხარდაჭერას, რომელიც ხელს უწყობს ახალგაზრდების ადამიანური და სოციალური კაპიტალის განვითარებას და სადაც ახალგაზრდებს აქვთ შესაძლებლობა, იყვნენ აქტიური მოქალაქეები და მონაწილეობდნენ საზოგადოებრივი ცხოვრების ყველა სფეროში და განახორციელონ საკუთარი იდეები და ინიციატივები.

³ კვლევის ფარგლებში გამოიკითხა 302 ახალგაზრდა. კვლევის შედეგები არ არის (მუნიციპალიტეტის) წარმომადგენლობითი. საბაზისო მაჩვენებელში მოცემულია გამოკითხული ახალგაზრდების პროცენტული განაწილება.

6. სტრატეგიული მიზნები და ამოცანები

მიზანი 1. საზოგადოებრივ ცხოვრებაში ახალგაზრდების მონაწილეობა გაზრდილია

ახალგაზრდების მონაწილეობა და აქტიური მოქალაქეობა გულისხმობს, რომ მათ აქვთ უფლებები, საშუალებები, სივრცე და შესაძლებლობები, საჭიროების შემთხვევაში კი, მხარდაჭერა, რომ მონაწილეობა მიიღონ მათთან დაკავშირებული გადაწყვეტილებების მიღების პროცესში და შეეძლოთ მათზე ზეგავლენის მოხდენა და ჩართული იყვნენ ღონისძიებებში და აქტივობებში, რომ ხელი შეუწყონ უკეთესი საზოგადოების მშენებლობას⁴.

ამოცანები:

- 1.1. ადგილობრივ დონეზე გადაწყვეტილებების მიღების პროცესში ახალგაზრდების მონაწილეობა გაზრდილია;
- 1.2. არასამთავრობო ახალგაზრდულ სექტორთან თანამშრომლობის ხარისხი გაზრდილია;
- 1.3. მონაწილეობის შესაძლებლობების შესახებ ახალგაზრდების ინფორმირებულობა გაზრდილია;
- 1.4. მოხალისეობრივ საქმიანობაში ახალგაზრდების მონაწილეობა გაზრდილია;
- 1.5. მხარდაჭერილია ახალგაზრდების სამოქალაქო განათლება.

მიზანი 2. ახალგაზრდული საქმიანობის განვითარება მხარდაჭერილია

ახალგაზრდული საქმიანობა წარმოადგენს საგანმანათლებლო საქმიანობას ახალგაზრდებთან და ახალგაზრდებისთვის, რომელიც ხორციელდება ფორმალური განათლების, ოჯახური და სამსახურებრივი კონტექსტის მიღმა და ხელს უწყობს ახალგაზრდების განვითარებას და კეთილდღეობას, საზოგადოებაში მათ აქტიურ მონაწილეობასა და ინტეგრაციას. ახალგაზრდული საქმიანობა მოიცავს მრავალფეროვან აქტივობებს (სოციალური, კულტურული, საგანმანათლებლო, გარემოსდაცვითი და სხვ.), რომლებიც ახალგაზრდების მიერ, მათთან ერთად და მათთვის, ჯგუფურად ან ინდივიდუალურად ხორციელდება.

ამოცანები:

⁴ ადგილობრივ და რეგიონულ ცხოვრებაში ახალგაზრდობის მონაწილეობის შესახებ განახლებული ევროპული ქარტია

- 2.1. ახალგაზრდული სივრცეები შექმნილია;
- 2.2. ახალგაზრდული ინიციატივები და იდეები მხარდაჭერილია;
- 2.3. მხარდაჭერელია ხელმისაწვდომი და ხარისხიანი ახალგაზრდული საქმიანობის პროგრამების განხორციელება, რომლებიც არაფორმალური განათლების საშუალებით ხორციელდება და ხელს უწყობენ ახალგაზრდებში სხვადასხვა კომპეტენციების განვითარებას;
- 2.4. გაზრდილია გართობა-დასვენების და კულტურულ-შემოქმედებითი საქმიანობის შესაძლებლობები.

მიზანი 3. ახალგაზრდების ეკონომიკური გაძლიერება მხარდაჭერილია

- 3.1. დასაქმების შესაძლებლობების შესახებ ახალგაზრდები ინფორმირებულები არიან და იღებენ მხარდაჭერას დასაქმებისთვის საჭირო კომპეტენციების განვითარებაში;
- 3.2. გაზრდილია თანამშრომლობა კერძო სექტორთან ახალგაზრდების დასაქმების ხელშეწყობის მიზნით.

მიზანი 4. ახალგაზრდებისთვის არაძალადობრივი, უსაფრთხო და ინკლუზიური გარემოს შექმნა ხელშეწყობილია

- 4.1. ახალგაზრდებში ცხოვრების ჯანსაღი წესის დანერგვა ხელშეწყობილია;
- 4.2. რეპროდუქციული ჯანმრთელობის, ადრეული ქორწინებისა და მოზარდთა ორსულობის შესახებ ახალგაზრდების ინფორმირებულობის გაზრდა მხარდაჭერილია;
- 4.3. ახალგაზრდებში არაძალადობრივი და უსაფრთხო კულტურის ჩამოყალიბება ხელშეწყობილია, ხოლო ის ახალგაზრდები, რომლებიც ძალადობისა და არაადამიანური, დამამცირებელი და ღირსების შემლახავი მოპყრობის მსხვერპლნი გახდნენ, უზრუნველყოფილი არიან მხარდაჭერით;
- 4.4. გენდერული თანასწორობის შესახებ ახალგაზრდების ცნობიერების ამაღლება ხელშეწყობილია;

4.5. სპეციალური საჭიროებების მქონე, შეზღუდული შესაძლებლობების მქონე ახალგაზრდების და უმცირესობათა ჯგუფების წარმომადგენელი ახალგაზრდების მონაწილეობა მხარდაჭერილია.

7. ლოგიკური ჩარჩო

მიზანი 1. საზოგადოებრივ ცხოვრებაში ახალგაზრდების მონაწილეობის გაზრდა

მიზანი/ამოცანა	ვადა	შესრულების მაჩვენებელი / ინდიკატორი	საბაზისო მაჩვენებელი	საბოლოო მაჩვენებელი
მიზანი 1. საზოგადოებრივ ცხოვრებაში ახალგაზრდების მონაწილეობა გაზრდილია	2023	ა) ახალგაზრდების რაოდენობა, რომლებიც ფიქრობენ, რომ ახალგაზრდობის ინტერესები გათვალისწინებულია მუნიციპალიტეტის პოლიტიკის დღის წესრიგში (გათვალისწინებულია ან სრულად გათვალისწინებულია)	26.8% 3.6% (ახალგ. კვლევა 2020)	30% 20%
	2023	ბ) ახალგაზრდების რაოდენობა, რომელთაც არ სურთ მუნიციპალიტეტიდან წასვლა	45.5% (ახალგ. კვლევა 2020)	70%
ამოცანა 1.1. ადგილობრივ დონეზე გადაწყვეტილებების მიღების პროცესში ახალგაზრდების მონაწილეობა გაზრდილია	2023	ა) ახალგაზრდების რაოდენობა, რომლებიც გასული 12 თვის განმავლობაში ჩართული იყვნენ მუნიციპალიტეტში მათთან დაკავშირებულ საკითხებზე გადაწყვეტილების მიღების პროცესში (რამდენჯერმე მიიღეს მონაწილეობა ან ინტენსიურად იყვნენ ჩართული)	17.2% 5.6% (ახალგ. კვლევა 2020)	30% 20%

	2023	ბ) ახალგაზრდების რაოდენობა, რომლებიც მათი მონაწილეობის ხარისხს მაღალ შეფასებას აძლევენ (აქტიურად იყვნენ ჩართული ან გავლენას ახდენდნენ გადაწყვეტილების მიღებაზე)	21.3% 7.9% (ახალგ. კვლევა 2020)	50% 20%
ამოცანა 1.2. არასამთავრობო ახალგაზრდულ სექტორთან თანამშრომლობის ხარისხი გაზრდილია	2022	შექმნილია და ფუნქციონირებს არასამთავრობო ახალგაზრდულ სექტორთან დიალოგის მუდმივმოქმედი პლატფორმა	არ არსებობს	ფუნქციონირებს და მტკიცებულებებზე დაფუძნებული მაღალი შეფასება აქვს არასამთავრობო ახალგაზრდული სექტორის მხრიდან
ამოცანა 1.3. მონაწილეობის შესაძლებლობების შესახებ ახალგაზრდების ინფორმირებულობა გაზრდილია	2023	ა) ახალგაზრდების რაოდენობა, რომლებიც ინფორმაციას მუნიციპალიტეტში მიმდინარე მოვლენებთან დაკავშირებით ადგილობრივი ხელისუფლებისგან იღებენ	15.2 % (ახალგ. კვლევა 2020)	40%
	2023	ბ) ახალგაზრდების რაოდენობა, რომლებიც ინფორმაციას მუნიციპალიტეტში მიმდინარე მოვლენებთან დაკავშირებით საერთოდ ვერ იღებენ	2.6.% (ახალგ. კვლევა 2020)	0.5%
ამოცანა 1.4. მოხალისეობრივ საქმიანობაში ახალგაზრდების მონაწილეობა გაზრდილია	2023	ახალგაზრდების რაოდენობა, რომელთაც გასული 12 თვის განმავლობაში მონაწილეობა მიიღეს მოხალისეობრივ აქტივობებში საქართველოში ან/და	31.1% (ახალგ. კვლევა 2020)	35%

		საზღვარგარეთ		
	2023	ახალგაზრდების რაოდენობა, რომლებიც მაღალი სიხშირით იყვნენ დაკავებული მოხალისეობრივი საქმიანობით ბოლო 12 თვის განმავლობაში (კვირაში ერთხელ ან თვეში რამდენჯერმე)	14.3% 17.6% (ახალგ. კვლევა 2020)	20% 20%
ამოცანა 1.5. მხარდაჭერილია ახალგაზრდების სამოქალაქო განათლება	2021	ა) ახალგაზრდების რაოდენობა, რომლებიც მაღალ შეფასებას აძლევდნენ მათ სამოქალაქო აქტიურობას (ძალიან აქტიური ან აქტიური)	8.6% 25.8% (ახალგ. კვლევა 2020)	20% 30%

მიზანი 2. ახალგაზრდული საქმიანობის განვითარება მხარდაჭერილია

მიზანი/ამოცანა	ვადა	შესრულების მაჩვენებელი / ინდიკატორი	საბაზისო მაჩვენებელი	საბოლოო მაჩვენებელი
მიზანი 2. ახალგაზრდული საქმიანობის განვითარება მხარდაჭერილია	2023	ახალგაზრდების რაოდენობა, რომლებიც ჩართულია არიან ახალგაზრდულ საქმიანობაში	უცნობია	30%
ამოცანა 2.1. ახალგაზრდული სივრცეები შექმნილია	2023	ა) ახალგაზრდების რაოდენობა, რომელთაც იცინ, რომ მუნიციპალიტეტში არსებობს ფიზიკური სივრცე (ოთახი, შენობა), რომელიც გამოყოფილია ახალგაზრდებისათვის	20.9% (ახალგ. კვლევა 2020)	40%
	2023	ბ) ახალგაზრდების რაოდენობა, რომლებმაც ისარგებლეს ახალგაზრდული სივრცით (რეგულარულად ან რამდენჯერმე)	17.5% 47.6% (ახალგ. კვლევა 2020)	40% 30%
ამოცანა 2.2. ახალგაზრდული	2023	ა) ახალგაზრდების რაოდენობა, რომელთაც	27.2% (ახალგ.	40%

ინიციატივები და იდეები მხარდაჭერილია		მიუმართავთ მუნიციპალიტეტისთვის რაიმე სახის ინიციატივის /პროექტის განსახორციელებლად	კვლევა 2020)	
	2023	ბ) ახალგაზრდების რაოდენობა, რომლებიც კმაყოფილი არიან მუნიციპალიტეტის დახმარებით (ძალიან კმაყოფილი ან კმაყოფილი)	17.1% 42.7% (ახალგ. კვლევა 2020)	20% 50%
	2023	გ) ახალგაზრდული იდეების კონკურსისთვის ყოველწლიურად გამოყოფილი დაფინანსება	50 000 ლარი (ოზურგ. მუნიც. 2020)	დაფინანსება მინიმუმ არ მცირდება
ამოცანა 2.3. მხარდაჭერილია ხელმისაწვდომი და ხარისხიანი ახალგაზრდული საქმიანობის პროგრამების განხორციელება, რომლებიც არაფორმალური განათლების საშუალებით ხორციელდება და ხელს უწყობენ ახალგაზრდებში სხვადასხვა კომპეტენციების განვითარებას	2023	ა) სერტიფიცირებული ახალგაზრდული მუშაკების რაოდენობა	0	24
	2023	ბ) ახალგაზრდების რაოდენობა, რომელთაც მონაწილეობა მიიღეს მუნიციპალიტეტის მიერ ორგანიზებულ ახალგაზრდულ პროგრამებში (რეგულარულად ან რამდენჯერმე)	7.6% 36.1% (ახალგ. კვლევა 2020)	20% 40%
	2023	გ) ახალგაზრდების რაოდენობა, რომლებიც მაღალ შეფასებას აძლევენ ამ აქტივობების ხარისხს (ძალიან დადებითად ან დადებითად)	18.4% 55.2% (ახალგ. კვლევა 2020)	30% 60%
ამოცანა 2.4. გაზრდილია გართობა-დასვენების და კულტურულ-შემოქმედებითი საქმიანობის შესაძლებლობები.	2023	ა) ახალგაზრდების რაოდენობა, რომლებიც კმაყოფილი ან ძალიან კმაყოფილი არიან მუნიციპალიტეტში არსებული გართობა-დასვენების შესაძლებლობით	18.5% 3.6% (ახალგ. კვლევა 2020)	30% 15%
	2023	ბ) ახალგაზრდების რაოდენობა, რომლებიც	26.8% 4.3%	35% 15%

		კმაყოფილი ან ძალიან კმაყოფილი არიან მუნიციპალიტეტში არსებული კულტურულ- შემოქმედებითი საქმიანობის შესაძლებლობებით	(ახალგ. კვლევა 2020)	
--	--	--	-------------------------	--

მიზანი 3. ახალგაზრდების ეკონომიკური გაძლიერება მხარდაჭერილია

მიზანი/ამოცანა	ვადა	შესრულების მაჩვენებელი / ინდიკატორი	საბაზისო მაჩვენებელი	საბოლოო მაჩვენებელი
მიზანი 3. ახალგაზრდების ეკონომიკური გაძლიერება მხარდაჭერილია	2023	ახალგაზრდების რაოდენობა, რომლებიც არ არიან დასაქმებული, მაგრამ ეძებენ სამუშაოს	36.4% (ახალგ. კვლევა 2020)	20%
ამოცანა 3.1. დასაქმების შესაძლებლობების შესახებ ახალგაზრდები ინფორმირებულები არიან და იღებენ მხარდაჭერას დასაქმებისთვის საჭირო კომპეტენციების განვითარებაში	2023	ა) ახალგაზრდების რაოდენობა, რომლებიც თვლიან, რომ ჩვეულებრივი ახალგაზრდისთვის დასაქმება მუნიციპალიტეტში რთულია (ძალიან რთული ან რთული)	87.1% (ახალგ. კვლევა 2020)	50%
	2023	ბ) ახალგაზრდების რაოდენობა, რომლებიც ძალიან კმაყოფილი ან კმაყოფილი არიან მათი სამუშაოთი	60.3% (ახალგ. კვლევა 2020)	80%
	2023	გ) ახალგაზრდების რაოდენობა, რომლებიც პროფესიულ განათლებაზე ხელმისაწვდომობას ძალიან პრობლემურად ან პრობლემურად აფასებენ	63.6% (ახალგ. კვლევა 2020)	30%
ამოცანა 3.2. გაზრდილია თანამშრომლობა კერძო სექტორთან ახალგაზრდების	2023	ა) დასაქმებული ახალგაზრდების რაოდენობა	24.2% (ახალგ. კვლევა 2020)	40%
	2023	ბ) ხანგრძლივი დროით	20.6%	10%

დასაქმების ხელშეწყობის მიზნით		(1 წელი და მეტი) უმუშევრების პროცენტული წილი იმ ახალგაზრდებში, რომლებიც არ არიან დასაქმებული, მაგრამ ეძებენ სამუშაოს	(ახალგ. კვლევა 2020)	
-------------------------------	--	--	----------------------	--

მიზანი 4. ახალგაზრდებისთვის არაძალადობრივი, უსაფრთხო და ინკლუზიური გარემოს შექმნა ხელშეწყობილია

მიზანი/ამოცანა	ვადა	შესრულების მაჩვენებელი / ინდიკატორი	საბაზისო მაჩვენებელი	საბოლოო მაჩვენებელი
მიზანი 4. ახალგაზრდებისთვის არაძალადობრივი, უსაფრთხო და ინკლუზიური გარემოს შექმნა ხელშეწყობილია	2023	სიღარიბეში და სიღარიბის ზღვართან მცხოვრები ახალგაზრდების რაოდენობა	2 193 (ოზურგ. მუნიც. 2020)	1500
ამოცანა 4.1. ახალგაზრდებში ცხოვრების ჯანსაღი წესის დანერგვა ხელშეწყობილია	2023	ახალგაზრდების რაოდენობა, რომლებიც რეგულარულად ვარჯიშობენ, დაკავებული არიან სპორტით ან სხვა ფიზიკური აქტივობებით (თითქმის ყოველდღე ან კვირაში 2-3-ჯერ)	50.61% (ახალგ. კვლევა 2020)	70%
ამოცანა 4.2. რეპროდუქციული ჯანმრთელობის, ადრეული ქორწინებისა და მოზარდთა ორსულობის შესახებ ახალგაზრდების ინფორმირებულობის გაზრდა მხარდაჭერილია	2023	ა) მოზარდთა შობადობის მაჩვენებელი 15-19 წლის ასაკობრივ ჯგუფში	43 (ოზურგ. მუნიც. 2019)	10
	2023	ბ) ადრეული ქორწინების შემთხვევები 15-19 წლის და 20-24 წლის ასაკობრივ ჯგუფებში	20 179 (ოზურგ. მუნიც. 2020)	5 100
ამოცანა 4.3. ახალგაზრდებში არაძალადობრივი და უსაფრთხო კულტურის ჩამოყალიბება	2023	ახალგაზრდების რაოდენობა, რომლებიც ძალადობის პრევენციას ძალიან პრობლემურად ან პრობლემურად	53.7% (ახალგ. კვლევა 2020)	30%

ხელშეწყობილია, ხოლო ის ახალგაზრდები, რომლებიც ძალადობისა და არაადამიანური, დამამცირებელი და ღირსების შემლახავი მოპყრობის მსხვერპლნი გახდნენ, უზრუნველყოფილი არიან მხარდაჭერით		აფასებენ		
4.4. გენდერული თანასწორობის შესახებ ახალგაზრდების ცნობიერების ამაღლება ხელშეწყობილია	2023	ახალგაზრდების რაოდენობა, რომლებიც კაცებსა და ქალებს შორის თანასწორუფლებიანობის უზრუნველყოფას პრობლემურად ან ძალიან პრობლემად აფასებენ	59% (ახალგ. კვლევა 2020)	15%
4.5. სპეციალური საჭიროებების მქონე, შეზღუდული შესაძლებლობების მქონე ახალგაზრდების და უმცირესობათა ჯგუფების წარმომადგენელი ახალგაზრდების მონაწილეობა მხარდაჭერილია.	2023	ა) ახალგაზრდების რაოდენობა, რომლებიც უმცირესობათა უფლებების დაცვას პრობლემურად ან ძალიან პრობლემად აფასებენ	57.6% (ახალგ. კვლევა 2020)	10%
	2023	ბ) ახალგაზრდების რაოდენობა, რომლებიც ადაპტირებულ გარემოს ძალიან პრობლემურად ან პრობლემურად აფასებენ	59.3% (ახალგ. კვლევა 2020)	30%

8. სტრატეგიის განხორციელების, მონიტორინგისა და შეფასების მექანიზმები

8.1. სტრატეგიის განხორციელება

სტრატეგიის განხორციელების მთავარი ინსტრუმენტია სამოქმედო გეგმა. ის მოიცავს კონკრეტულ და დროში გაწერილ აქტივობებს, რომლებიც ამოცანებისა და მიზნების შესრულებას უზრუნველყოფს და სტრატეგიის განუყოფელ ნაწილს წარმოადგენს. სამოქმედო გეგმით გათვალისწინებული აქტივობების დაფინანსების მოცულობის საკითხი ყოველიურად მუნიციპალიტეტის ორგანოების მსჯელობისა და დამტკიცების საგანი იქნება.

მუნიციპალური სამსახურები და ორგანიზაციები პასუხისმგებელი არიან სტრატეგიის განხორციელებაზე მათი საქმიანობისა და კომპეტენციის სფეროების მიხედვით. ისინი გაითვალისწინებენ, რომ მათ მიერ განხორციელებული პროგრამები, სერვისები და აქტივობები შესაბამისობაში იყოს სტრატეგიასთან იმ შემთხვევებშიც კი, თუ ისინი არაა მითითებული სტრატეგიაში.

ახალგაზრდობის წინაშე არსებულ ბევრ გამოწვევათა დაძლევა შეუძლებელია მხოლოდ ერთი სექტორის, თუნდაც ხელისუფლების ადგილობრივ ორგანოების ძალისხმევით. ადგილობრივი თვითმმართველობის ძალისხმევის პარალელურად, უმნიშვნელოვანესია, ასევე, სხვა სექტორის მხარდაჭერაც. სტრატეგია მიზნად ისახავს, რომ უზრუნველყოს ყველა დაინტერესებული პირის ჩართვა სტრატეგიის განხორციელების, მონიტორინგისა და შეფასების პროცესში.

8.2. სტრატეგიის განხორციელების მონიტორინგი და შეფასება

სტრატეგიის განხორციელების მონიტორინგისა და შეფასებისთვის დაინერგება რიგი მექანიზმები:

- ადგილობრივი თვითმმართველობა ყოველწლიურად გამოაქვეყნებს საჯარო ანგარიშს სტრატეგიის განხორციელების შესახებ;
- პერიოდულად ჩატარდება კვლევა იმ პროგრესის შეფასების მიზნით, რომელიც სტრატეგიის განხორციელების შედეგად დადგება;
- არასამთავრობო ორგანიზაციები მოწვეული იქნებიან, რომ ყოველწლიურად მოამზადონ ალტერნატიული ანგარიში სტრატეგიის განხორციელების შესახებ ახალგაზრდული საბჭოს ჩართულობით;
- შეიქმნება მუდმივმოქმედი პლატფორმა ადგილობრივ თვითმმართველობასა და სხვა დაინტერესებულ პირებს შორის თანამშრომლობისთვის;
- არსებული შედეგების გათვალისწინებით განხორციელდება სტრატეგიის შუალედური და საბოლოო შეფასება და მასში შესაბამისი დამატებებისა და ცვლილებების შეტანა.